

Le dotur Eduard Agreiter é demez en jöbia domisdé y en vëndres (26 y 27 de setëmbër) y vëgn sostitui dala doturia Grete Mahlknecht 349 06 67 034.

SAN MARTIN Y LUNGIARÜ

Al é gnü stabilí n regolamënt nü por paié les mësSES a d'intenziun por vis y defunc. Da sëgn inant (a Lungiarü vëgnel bele fat en pert insciö) pôl gní paié mësSES a d'intenziun vigni domënia do la gran mësSA tles colonies da San Martin y Lungiarü. Ince les domënies pôl gní dit mësSES por porsones defuntes. Chi che á paié mësSES ti mëisc passá che ne foss nia ciamó gnüdes dites dess se lascé a d'intëne. A San Martin vëgnel fat na ezeziun de orar en chësta domënia, 22/09, che vëgn sposté ales 18.00 ales 19.00, dagnora te colonia.

La Uniun dles porsones vëdues y sores inviëia al peregrinaje a Weissenstein en jöbia, ai 26 de setëmbër, cun la coriera che passa a San Martin dales 07.45; lade y marëna costa 50 euro. Prenotaziuns por telefon 0474 590 069.

SAN MARTIN

Festa de bëgnnù a nosc ploan nü, siur Klaus , y a siur Heinrich, incö la segra: Düc é dër bel invia da s'abiné dales 9.30 dan dlijia a tó ite y saludé i proi, a jí deboriada te dlijia y festejé la mësSA da festa cun l'afidamënt dla ploania. Do mësSA s'abinunse sò dal paiun a fá conferta olach'i podun saludé i proi nüs y tó pert ala festa organisada dai stödafüch. Düc y dötes é dër bel invia/ades.

La Uniun Stödafüch San Martin, sciöche pröms vijins dla colonia, ti sporj de cör le bëgnnù a siur Klaus y a siur Heinrich y se conforta a na buna colauraziun.

La Uniun dles Ères y di Èi inviëia ala festa di maridá iubilars en domënia, ai 20 d'otober, cun mësSA y sté adöm tl salf di stödafüch. Düc i pers che é 10, 15, 20, 25, 30, 35, 40, 45, 50, 55, ... agn maridá é invia. Chësc avis vel sciöche invit. Präibel anziesse cina ai 16/10 pro Leo 348 40 96 351 o Rosa 320 37 15 113

La Uniun di Seniors da San Martin y Antermëia vá en jita a Oies en dedolönesc, 2 d'otober. I piun ia da San Martin dales 10.15 cun i auti privac sò cuntra Oies, dailo mësSA cun siur Heinrich, marëna söl Lüch da Alfarèi a Badia cun conferta en compagnia. Cost 10 euro porom. Anziesse cina ai 30 de setëmbër pro Maria Sottrovisch 338 17 51 839 o pro Alfred da Ju 333 36 54 786. Gnide tröc!

En dedemesaledema ai 25 de setëmbër vëgnel sié la cortina dales 17.00 inant; da bur tëm্প vëgnel sié en jöbia. Chi che sciafia é bel peria da gní a daidé.

LUNGIARÜ

La Uniun di Seniors da Lungiarü inviëia incö, domënia, ai 22/09, dales 14.00 a na spazirada da Punt de Rü Fosch sò Seres - ciarede tl'ultima Plata.

La Uniun di Stödafüch inviëia ala festa dla Segra da San Martin cun le program bele gnü publiché tl'ultima Plata.

La Uniun Patrones da San Martin organisëia a Al Plan n curs da fá desserc cun Rosmarie Verginer le dedemesaledema ai 09 d'otober dales 19.00 ales 22.00. Informaziuns y iscriziun pro Rosmarie 339 59 12 655

Tl Istitut Ladin a San Martin vëgnel presenté le liber "La Grande Strada delle Dolomiti" de Karl Felix Wolf cun Ulrike Kindl y Fabio Chiochetti en dedemesaledema, ai 25 de setëmbër, dales 20.00,



www.unitepastoral.org

Plata dles Ploanies San Martin y Lungiarü

siur Klaus Sottsas 344 15 54 055 - klsottsas@yahoo.de
redaziun: anton.gasser@rolmail.net - 348 27 44 517 / 0474 523 194

22.09. – 29.09.19 nr. 43

ultimo termo por comunicaziuns: jöbia dales 20.00
radio: 90,40 / 93,70

25ª DOMËNIA ia por l'ann C

Vangele do Lüca 16,1-13

Y le Signur à laldé la furbizia dl aministradù dejonëst y à dit:

I fis de chësc monn
é cun chi de süa sort plü furbs
co i mituns dla löm.
I ves diji:
Fajësse amisc
cun l'aiüt dla richëza iniüsta,
por ch'i gnëise tué sò
tles abitaziuns eternes
canch'ara jarà cun os a fin.



N aministradù é gnü incolpé, ch'al ess aministré mal l'avëi de so patrun.
Deach'al savô che so patrun l'ess desmetü da so post,
ál debota cherdé adalersch i debiturs dl patrun y ti á lascé do na pert
de ci ch'ai ti é de debit al patrun, por s'la fá buna pro d'ëi
y por ch'al savess olá ia do avëi pordü so post da aministradù.
Gejú ne lalda l'aministradù iniüst nia por ci ch'al á fat
mo por süa furbizia,
y nes aconsiëia da ester ince nos tan furbs
tl programé y fistidié por nosta vita tl'eternité.
I dessun adoré nosta richëza (gonot iniüsta) por jí tles abitaziuns eternes
y no por s'assiguré bëgnste y s'arjigné ite por tres te chësc monn.
Gejú nes tlama nos credënc "mituns dla löm",
mo la furbizia messunse imparé dai atri,
por savëi da fá de bunes opres cun nosc avëi,
ch'i gnunse tuc sò da Chël Bel Dî te sües abitaziuns.

	SAN MARTIN	LUNGIARÜ	PLOANIA DA SAN MARTIN
22.09.19 25^a DOMËNIA DL ANN C	<i>Segra da San Martin:</i> <i>Aniversar dla Consacraziun dla dlijia</i> 9.30 Dan dlijia: Salüt ai proi nüs Ingres deboriada te dlijia Mëssa da festa dl ann + Elena Rubatscher Zingerle dedô Conferta cun i proi sö dal paiun pro la festa organ. dai Stödafüch	7.55 Corona 8.15 Zelebrazion dla Parora de Dî 15.00 Corona tla capela de S. Ujöp Fr.	Siur Klaus y Siur Heinrich, bēgnnüs a San Martin! Cun ligrēza podunse incö, domēnia dla Segra da S. Martin, Ves saludé Os, siur Klaus, sciöche nosc ploan y Ves aodé döt le bun por Osta inciaria da nes acompagné inant sön nosc tru dla fede. N salüt y n dilan de cör ince a Os siur Heinrich, ch'i s'ëis metü a disposiziun da gní a daidé te nosta ploania cun la zelebrazion eucaristica y d'atri sorvisc. I Ves audun ch'i se stēise saurí tla colonia de nosc paisc y ch'i podēise passé de bí agn chiló da nos. Che Chël Bel Dî Ves dais a trami dui, siur Klaus y siur Heinrich, sanité, forza, ligrēza y benedisciun. <i>Le Consēi de Cöra</i>
23.09.19 Lönesc <i>Pio da Pietrelcina, Tecla</i>			
24.09.19 Dedolönesc <i>Rupert y Virgile, Gerhard</i>	19.30 Mëssa ++ de Albina Canins Moling + dla fam. Paola Moling Zingerle		
25.09.19 Dedemesaledema <i>Niclaus da Flüe, Aurelia</i>		7.30 Mëssa ++ Pire y Angela Dapoz	
26.09.19 Jöbia <i>Cosma y Damian, Paul VI.,</i>	7.30 Mëssa + Mariangel Tavella Corona por vocaziuns		
27.09.19 Vëndres <i>Vinzenz de Paul, Flavian</i>	18.30 Adoraziun chîta 19.00 Adoraziun deboriada	7.30 Mëssa por fam. Albert Dapoz	
28.09.19 Sabeda <i>Wenzel, Lioba</i>	15.30 Mëssa tla Ciasa de Palsa 18.30 Mëssa prefestia ++ Rinaldo y Rita Costabiei	20.00 Mëssa prefestia ++ Angela y Benjamin Clara	
29.09.19 26^a DOMËNIA DL ANN C <i>De mondial di migranc y di muciadus</i>	9.00 Corona 9.30 Gran Mëssa dla Comunité	9.00 Sön plaza dla scora: Salüt de bēgnnü a siur Klaus Ingres deboriada te dlijia Mëssa da festa dedô Conferta cun le ploan nü tl salf dl paîsc	
 PLOANIA DA LUNGIARÜ: La ploania da Lungiarü ti fej les mius audanzas de benedisciun y fortüna ai nüc Silvan Frenademetz y Jennifer Ulrich che s'á dé adöm tl sacramënt dl matrimone en sabeda, ai 14 de setēمبر y a Melanie Dapoz y Matthäus Crepaz che se dá adöm tl sacramënt dl matrimone incö, sabeda, 21 de setēمبر, tla dlijia da Lungiarü			La comunité da Lungiarü s'arjigna da tó ite cun ligrēza siur Klaus Sottsas che surantol nosta ploania y s'acompagnará söl tru dla fede. I orun ti sporje le bēgnnü a siur Klaus en domēnia, ai 29 d'otober. I s'abinun dales 9.00 sön plaza dla scora por jí en prozesciun te dlijia ala Mëssa solēna cun dōta la comunité. Do mëssa é düc invíá tl salf de paisc a fà n pü' de conferta cun le ploan nü I orun tigní cun ligrēza la festa de acoliēnza y ti desmostré a siur Klaus nosta reconescēnza cun nosta presēnza. <i>Le Consēi de Cöra</i>